



Inatsisartunut ilaasortaq
Mariane Paviaasen, Inuit Ataqtigiit
/Maani

Allakkap ullua: 29-11-2022
Suliap normua: 2022 - 23172
Allagaatip ilisarnaataa:
21727421

Savaatillit pillugit § 37 naapertorlugu apeqquteqaammut akissut

Asasara Mariane

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Inatsisartut Suleriaasianni § 37, imm. 1 naapertorlugu savaatillit pillugit
apeqquteqaateqarputit.

Apeqqutitit uannit akineqartussanngorlugit innersuunneqarput.

1. Sunaana Qinnuteqaat 26.September 2022 tusagassiutinut nalunaarummi eqqartorneqartoq?

- a. Qinnuteqaat naammassiva?
- b. Nunalerisut ilisimatinneqarpat?

Akissut:

Tusagassiorfinnut nalunaarummi qinnuteqaat taaneqartoq nunalerisut
ikiorsiissutinut pissarsiniarlutik qinnuteqaatissaannut, Naalakkersuisoqarfimmut
nassiunneqartussamut tunngasuuvoq. Qinnuteqarnerup ingerlanerani
Nunalerinermut Siunnersorteqarfik qinnuteqaatinik nunalerisuniit
pissarsiniartassaaq, aammalu qinnuteqaatit ataatsimoortillugit
Naalakkersuisoqarfimmut nassiunneqartassapput, taamaalilluni qinnuteqaatit
sukkanerusumik suliarineqartassallutik.

Qinnuteqartitsinerup ingerlanissaa suli aallartinneqanngilaq.

Savaatillit Peqatigiit Suleqatigiissut ikiorsiissutit amerlassusissaannik
aalajangersaanermi, maanna Naalakkersuisunit akuerineqarsimalersumi suliat
ingerlanneqarneri pillugit ingerlaavartumik ilisimatinneqartarput.

2. Nunalerisut ataasiakkaanut tapiissutit tunisat kisitsisaat tunngavigalugit akilerneqarnissaat qanoq paasineqassava?

- a. Isertitarineqartut aallaavigineqassappat?
- b. Isertitakinnerusut tapiissutinik amerlanernik
tunineqassappat?
- c. Imaluunniit nerukkaatissanik pisiarisimasat annertussusaat
aallaavigalugit tapiisoqarniarpa?

**d. Tapiissutitik agguaassinissaq ersarinnerusumik
nassuiarneqarsinnaava?**

Akissut:

Ikiorsiissutit savaaqqat imaluunniit nersussuit neqaanut tunineqartunut kiilumut tapiissutitut naatsorsorneqarput.

Tunisat	2022-mut ikiorsiissutit
Savaaqqat 8,00 - 8,99 kg	5,09 kr./kg
Savaaqqat 9,00 - 10,49 kg	10,51 kr./kg
Savaaqqat +10,50 kg	12,41 kr./kg
Nersussuit	19,41 kr./kg

Taakku saniatigut nunalerisut, nersutaatiminnik amerlititsiniartut, taamaalillutillu nersutitik ikinnerusunik toqoragassanngortitsisut nersutit toqoragassinneqarsimasuuppata tapiissutit pissarsiassaraluatik matussusertinniarlugit qinnuteqarsinnaapput.

Inussiarnersumik inuulluaqqusillunga


Kalistat Lund